

重刊道藏輯要

元始无量度人上品妙經卷之四十六

除穢水火漂焚品

道言昔於靜樂天中飛青寥歌大无畏土受元始度人除穢水火漂焚妙品元始天尊當說是經周迴十過以召十方始當詣座天真大神上聖高尊水火二司大將仙君將軍吏兵行水發火官曹掾吏度厄拔難真人无缺數眾乘空而來紅黑奔雲虎與甲馬黃麾絳節翠葆朱旛疾雷沸天雄風偃嶽異彩祥光縹緲鬱勃洞煥太空七日七夜諸天宮鑰震鳴殿觀傾動日月星辰靈芒噴射煒燿停輪仙梵仙雲迴霞繞斗碧影輕泛紫烟結

道藏輯要

度人妙經

一

亢集三

樓一國地土山川林木緬平一等无復高下土皆作蒼玉无有異色眾真侍座

元始天尊玄坐空浮五色自然飛仙十華之座說經一編諸天大聖同時稱善是時一國男女受福諸天常樂道化說經二編太微紫微水火二曹奏功紀德陰陽調平說經三編日帝奉笏月后致恭說經四編二曜三元咸來稟命說經五編水母運機延劫永世火官布算增厯益年說經六編考罰得宜无有橫枉說經七編漂焚息苦燒溺業消說經八編三界晏安不生驚擾說經九編地鑪天竈飛伏合倫說經十編厄運俱濟人物又甯是時一國是男是女莫不傾心皆受護度咸得長生

道言是時元始天尊說經一徧東方无極无量品水火司功大神无鞅之眾浮空而至說經二徧南方无極无量品水火司察大神无鞅之眾浮空而至說經三徧西方无極无量品水火司罰大神无鞅之眾浮空而至說經四徧北方无極无量品水火司直大神无鞅之眾浮空而至說經五徧東北无極无量品水火司厄大神无鞅之眾浮空而至說經六徧東南无極无量品水火司令大神无鞅之眾浮空而至說經七徧西南无極无量品水火司錄大神无鞅之眾浮空而至說經八徧西北无極无量品水火司禁大神无鞅之眾浮空而至說經九徧上方无極无量品水火司命大神无鞅之眾浮空而至說經十徧下方无極

道藏輯要

度人妙經

二

元集三

極无量品水火司非大神无鞅之眾浮空而至十徧周竟十方无極水火二司與錄大神一時同至一國男女傾心歸仰來者皆各頂禮讚歎已證天尊願不罹水火大小劫災三界遷易之難尚處世身願不罹水火焚漂燒溺之厄不爲三官考校罪錄刑在水火罰於漂焚乞使二曹順理天政和均人界清裕鬼道沈鍾邪神祆吏死妄行水發火作非橫之厄稽首元始欣聞至要各以天寶妙具神州真醜勢同雲集无鞅之眾連國一半土皆偏陷非可禁止於是元始流眄十方俯觀眾會振衣進几迴天轉地吹爲水光呵爲火耀二景交飛遊龍宛轉翔騰虛極良久之間變成寶珠大如黍米懸處高空去地七丈元始登引天

真大神上聖高尊度厄拔難真人水火二司曹掾將吏漂溺焚
執執罰大神无執數眾俱入寶珠之中天人仰看惟見勃勃從
珠口中入既入珠口不知所在國人廓散地還平正无復歆陷
元始即於寶珠之內說經都竟眾真監度以授於我當此之時
喜慶難言法事粗悉諸天復位倏歛之間寂无遺響是時天人
遇值經法普得濟度全其本年无有中傷傾土歸仰咸行善心
不猛不怒不侈不迟不察不蕩不散不時不諂不回言尚明析口无
惡聲齊同慈愛異骨成親國安民豐欣樂太平經始出教一國
以道預有至心宗奉禮敬皆得度世

道言元始天尊說經中所言並是諸天上帝內名除禳水火漂

道藏輯要

度人妙經

三

九集三

溺焚燒隱韻之音亦是真王內諱禁勅水火二司不得妄溢行
發二考虐暴生民呼召主宰百靈之隱名也非世之常辭上聖
已成真人通玄究微法寶已靈水火之變尋源得涇燔燎炎暴
知究祖因能悉其章誦之十過諸天遙唱萬帝設禮水土火藏
淵靜明離河海湛默赫烈防扃日月停景璇璣不行羣魔束形
鬼精滅爽焚爍潛息漂溺自平至學之士誦之十過則黑精守
位赤怪不生魔魅喪眼鬼妖滅爽濟度水火危厄不生所以爾
者學士丹宮未成水騰火降體未洞真召制二司威未制天政
德可伏御姦祿束縛遊火大醜故氣但卻邪度厄而已不能使
水火二神絕諸考罰輕誦此章身則被殃供養尊禮門戶興隆

世世昌熾與善因緣水火不干神明護門斯經尊妙獨步玉京
制御水火除穢漂焚爲萬道之宗巍巍大梵德難可勝

道言水火二司有大威神號五嶽總領真君主放大水漂流蕩
弱發暴火焚熱燒延護善去惡考罰罪人下逮地獄寒池火車
漂焚重苦烹注亡魂謫役泉曲火山之府煮漬焦然悉隸真君
天有二耀陰陽靈根照映下民而惠災福非行禍厄之權也此
大威神與九天司命採訪使者五嶽丈人五嶽都司共治水火
水火之罰有六將軍以布令行災主水之將河魁將軍杜元吉
天錄將軍張子華執符將軍沙伯晃主火之將捷疾將軍劉天
錕定界將軍周君采發火將軍石完夫世界有水火之宥伏藏

道藏輯要

度人妙經

四

亢集三

卷之三

陰陽之精化爲水火之龍民有危厄則飛龍降災水火併至北
斗中勅北帝列司領水火神龍之政號玉光紫靈夫人官吏數
千典掌其職生人先世有罪幽魂在水火之獄徒水火之役運
水灌四瀆之穴伐薪煎百里之鑊洪波滔天烈火巨地一日一
夜受苦無量凡誦是經十過諸天齊到受苦眾生出離水獄遊
神紫臺出離火獄上昇朱宮格皆九年受化更生得爲貴人除
穢漂焚福慶自生而好學至經功滿德就靈寶成丹身生水火
七返九還皆得神仙飛昇金闕遊宴玉京也上學之士修誦是
經眞水上浮靈火下溫日藏於海萬竅生雲皆卽受度飛昇南
宮世人受誦則延壽長年後皆得作尸解之道魂神暫滅不經

地獄水火漂焚卽得返形遊行太空此經微妙普度无窮一切
天人莫不受慶无量之福生死蒙惠上天所寶不傳下世至士
齋金寶效心盟天而傳輕泄漏慢殃及九祖長役鬼官侍經五
帝玉童玉女各二十四人營衛神文保護受經者身

道言正月長齋誦詠是經爲上世亡魂斷地遠役水火功考度
上南宮七月長齋誦詠是經除穢水火漂焚身得神仙諸天書
名黃籙白簡削死上生十月長齋誦詠是經除穢水火使二氣
和平爲國王帝主君臣父子安鎮國祚保天長存世世不絕常
爲人君安鎮其方民稱太平八節之日誦詠是經赤黑順界萬
物遂成得爲九宮真人本命之日誦詠是經陰无僭陽臣忠於
道藏輯要

度人妙經

五

亢集三
六八

君火降水升德下而尊魂神澄正萬炁長存不經苦惱身有光
明三界侍衛五帝司迎萬神朝禮名書上天功滿德就飛昇上
清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青紫絳三
色雲炁之中內外翫冥有青龍白虎朱雀玄武獅子白鶴羅
列左右典總水火二大靈司神官將吏備衛前後日月照明
洞煥室內頂生圓象光映十方如此分明密呪曰

无上玄元太上道君召出臣身中三五功曹左左官使者侍香
玉童傳言玉女五帝直符直日香官各三十六人關啟所言今

日吉慶長齋清堂修行至經无量度人願所啟上徹徑御

无上三十二天元始上帝至尊几前畢

引悉三十二過東向誦經

道藏輯要

度人妙經

六

亢集三
破

正一天師清微弟子共百堅製作
道教學術資訊網站

元始无量度人上品妙經

元始洞玄靈寶本章除禳水火漂焚保劫度人百魔隱韻從濟自然二象交輪无无上真元始祖劫神化元神有一未形氣生空玄大器內温温則氣升升為玄露降為天津水為帝先太一杳冥温氣成炎火為神津火晦水晦二象備成水盈器中火動神温温久泣液結凝玉京九宮八門安鎮十方開明赤黑是為天根水火无祖一九化真丹靈燿惑玄老大辰辟非朱鳳蒼龍晶精百六陽九翦滅凶羣游火黑祆戰物災民道可除禳化空成文是名大法玄中之玄三元八會鳳真玉篇高祕神文億千萬年真王治世應運流傳普度生死一切苦魂咸悉應符永劫

道藏輯要

度人妙經

七

九集三

長年歷水過火三災不登暴氣邪侈移變世間成災可除將至乃禳焚熱漂溺速離遠方帝君行令敢有來當太虛焚氣運轉元綱中有除禳水火漂焚之神中有南極長生之君中有度世司馬大神中有好生韓君丈人中有南上司命司錄延壽益算度厄尊神迴骸起死无量度人今日校錄諸天臨軒

東方无極風力神王長生大聖无量度人

南方无極威耀神王長生大聖无量度人

西方无極金光神王長生大聖无量度人

北方无極洞淵神王長生大聖无量度人

東北无極制姦神王長生大聖无量度人

東南無極熾爛神王長生大聖无量度人
西南無極水藏神王長生大聖无量度人
西北無極禳禍神王長生大聖无量度人
上方無極拔難神王長生大聖无量度人
下方無極度厄神王長生大聖无量度人
十方至真除禳水火漂焚神王長生度世无量大神並乘宸霞
錦光玉輿紫清瓊輦彩蓋霓輪驂駕五鳳十二玄龍建招真之
節八景靈旛前嘯金籥齊唱後吹玉鑰同鳴獅子白鶴嘯歌囉
囉列真啟途羣仙翼轅億乘萬騎浮空而來傾駕水火監檢生
靈神霄府相青華上宮韓君僊伯消災大神執錄把籍齊到帝
道藏輯要

度人妙經

八

九集三
xoi

前隨所應度嚴校諸天普告三界先極神鄉連寃之府靈紐之
宮六天九獄冰池火山解救衝蕩漂溺焚燼過度生關沈屍苦
魂釋赦三官上解祖考億劫種親疾除罪簿落滅惡根不得拘
留逼合鬼羣元始符命時刻昇遷火翳寒庭部衛形魂制魔保
舉度厄南昌死魂受鍊僊化成人身受度劫劫長存隨劫輪
轉與天齊年永度漂沈焚蕩之苦超凌三界逍遙上清上清之
天天帝洞覺无色之境梵行

東方八天

慶華瑤虞天

帝臺昌舞霞

歷明資玄天

帝靈谷振光

控神九真天

帝巴慈引祥

日觀揚靈天

帝都奇昇方

步奇乘角天

帝統員羅

氏舍次東天

帝真陀流淵

妙律垂科天

帝閱道維美

定儀師微天

帝伯初桃英

南方八天

爍寔理赫天

帝孫思道奔

禁明威勇天

帝鄱滿祁桓

安樂昭仁天

帝鬱禎英

道藏輯要

度人妙經

九

亢集三

陽化度僊天

帝幽雲靜坊

微境冲遊天

帝子殊衡

史滔逸魂天

帝符乾處甯

赤洞顯幽天

帝徧常澤墟

利泰猶和天

帝召無僅剛

西方八天

梵氣七真靈曜天

帝繼元正基

白章交皇天

帝越定莊

台玄極義天

帝僊閔弗冥

江霞子湘天

帝韜樞益倉

中遙公變天

帝師元同瑰

靜妙委神天

帝獄錄華由

洞光素耀天

帝落丘造章

制飛鎮精天

帝允汨求輔

北方八天

麗正真期天

帝黃武明

超空昇化碧炎天

帝詔智賓

玉奔紫景露陽天

帝宗耀煌

祕清瑤章神府天

帝仲季綿

寶陳華几降龍天

帝學吉隆

道藏輯要

度人妙經

十

九集三
川〇七

雲澤敷成天

帝達司進行

紫融通微天

帝芾儀開

正真萬齡天

帝建裕崑

三十二天三十二帝諸天隱諱諸天隱名天中空洞自然靈章
諸天隱韻除禳水火漂焚之音水元太一之尊火元赤白之神
發水大魔行火真靈九陽十陰變化上清无量之奧深不可詳
敷落神真濟拔漂焚今日欣慶度厄除禳却氛禁勅典司歷關
諸天請滅漂焚斬絕邪冤飛度水火名列太玄魔王監舉无拘
天門東斗紀善西斗降祥北斗水考南斗火殃中斗定刑燎溺
存亡罪大殞命責輕受厄青帝監魂白帝攝魄赤帝執炬風火

煥赫黑帝揚波漂蕩无極黃帝中主統行誅殛青天魔王監試
羣姦赤天魔王擲火騰煙白天魔王洩濤反山黑天魔王洪波
汨淵黃天魔王焦屍泛骸五帝大魔萬神之宗飛行水火總領
威兵麾幢鼓節遊觀太空熾爛赫奔滔天縛龍上天度人嚴勅
北鄂眞王受命救難迎祥八威衛駕猛馬巡疆飛天息火大帥
塞洋除穢橫厄厭解擊衝敢有干試抗拒上眞司非定罪巨天
注名赤妖大醜收行天丁千千遏塞萬萬滅形敢有漂溺燒害
良民三官北鄂明檢鬼營不得容隱金馬驛程普告无窮萬神
咸聽三界五帝列言上清

元洞同域水火二鄉陰含陽精陽賴陰彊一氣成物能柔能剛

道藏輯要

度人妙經

十一

元集三
又七文

眇眇億劫混沌之中上浮爲色下沉爲淵水火遍空合質凝天
天上天下无幽无冥无形无影无極无窮溟滓大梵遼廓无光
水火既生三界境完久則氣勝進退升遷制暴遏邪水火立官
考校罪業泉曲火山醜類僭逆僞妄行權漂溺天人焚燎區實
昊天震怒符召百神王章正氣赤文命靈黑精啟胞龍母拖紳
鑿天振威王領萬兵郁默執旗醜伯攝精元老奉詔掃蕩妖氛
收捕遊火開通水精不得犯縱明敬教言清肅宇宙歸奏帝前
威光下照廓開八門普赦北鄂受報窮魂悉令立悟明道之根
因緣輪轉上生諸天永享大福鍊胎飛僊超出三界高居太清
蕊臺遊宴齊對功貞玉音攝氣洪波自平靈風聚煙狂爛不然

停波息燭水火二光按科金律神文化真真中至神長生大君
御火旺德萬天稱尊飛形九霄統政萬靈无英輔相白元泳淵
太一冥耀司命光旋桃康二景字合精延執符把籙保命生根
上遊上清出入華房八冥之內細微之中下鎮人身泥丸絳宮
中理五炁混合百神十轉回靈萬炁齊仙除穢漂焚救苦度人
消滅厄會散解危速帝君頒令罪福甄分普受開度死魂生身
身得受生上聞諸天諸天之上各有生門中有空洞誦歌之章
真王靈篇辭參高真

第一除滅水厄漂溺飛空之音

水官檢精

總御北元

理陰制陽

道藏輯要

度人妙經

三

元集三

平定河源

醜類亂天道

羣祆歸一時

蕩蕩移山獄

舟楫安能施

河伯遠避勢

虜虜來助威

生民罹此災

空濶天難知

血肉飽魚鼈

骨骸落沙泥

悲風吹九陰

呱呱終夜啼

大命既天枉

流浪無所依

祆乘其祭祀

靈爽知何之

真王降九霄

攝凶送七非

馘耳斷腰頸

山河戮其尸

玉符召靈

死魂受生

詠此洞章

丹簡書名

皆受拔度

上升朱陵

第二禳解火難焚熱之章

火官察惡

領典南司

大星熒熒

老人赤衣

臂弓鶉首

乘駕辟非

萬物賴功

流火玉池

天機御省

六門景輝

下官竊政

亂行誅夷

中夜忽起

疾風交馳

碧煙如龍

烈燭橫施

萬丈灼灼

聲伴隱雷

驚呼垣奔

迷不出帷

肉潰脂流

殤鬼急追

斷髻焦髮

氣逐餘灰

魂遊冥冥

猛火離離

脫有來饗

惡鬼歟之

渴不得飲

困不獲栖

道藏輯要

度人妙經

三

元集三
川火川

僊聖在天

孰謂使知

天官按行

執凶糾非

玉符制火

鬼道莫違

帝君有命

普獲純禧

生民晏安

不涉傾危

第三除穰度厄拔難歌曰

玉清之上

神霄鬱開

帝都九門

中有大君

錦裳絳衣

碧冠珠纓

統治三界

十方萬天

千二百曹

咸職列官

八百七十

按局羣僊

七元罪福

水火氣元

制命勅律

佐理億千

校錄生死

河海谿泉

敢有故氣

變化幽關

妄行水火

毒害生靈

焚熱漂溺

猖獗不停

寶章玉符

密告帝庭

威劍巨斧

斬伐鬼精

水平火息

厄難無侵

誦詠洞文

祈天引誠

眞王下觀

青籙記名

除穰度死

七祖超昇

氣鍊變僊

神飛意靈

萬世蒙福

俱登玉京

此三界之上飛空之中眞王歌音音參洞章誦之百徧永禳焚

道藏輯要

度人妙經

古

亢集三
川名

溺名度南宮誦之千徧眞王保迎萬徧道備飛昇太空過度三界位登僊公有聞靈音魔王敬形勅制地祇侍衛送迎拔出地戶水火厄難七祖昇遷永離幽冥魂度朱陵受鍊更生是謂无量普度无窮有祕上天文諸天共所崇泄慢墮地獄禍及七祖翁

道言此二章並是諸天上帝及神霄眞王隱祕之音除滅漂蕩之厄禳解燔燎之災邪精魔類盜行水火毒害生靈妄求血食鐘鼓之響眞王檢察斬戮邪魔安施玉符辟斷非橫水火之厄若有身歿水火魂魄精識爲上古傷鬼男女之殍所憑自赴水火或世世水厄年年火災皆是邪神竊權天司擅興焚蕩學者

敬誦此經以爲救度卽能除斷皆是大梵之言非世上常辭言
无韻麗曲无華宛故謂玄奧難可尋詳上天所寶祕於神霄玉
清王府東華藏室應運下傳若有至人齋金寶質心依舊格告
盟真王然後而付焉

道言夫天地爲水火之神器天河在上則水鼎上居火海在下
則火鼎下儲太空在中日月爲藥日月者水火之根本繫於南
北二斗爲太微紫微兩極都曹以水親火則水能尅火以火隔
水則火能尅水水火均等則旣濟成物水火有太少之運則萬
物爲之刑災上天以水火爲生化之樞機樞機得則天政成下
官故氣六天鬼魔盜水火而用之以害生類帝君出除穢之法

道藏輯要

度人妙經

壹

九集三

救濟在危厄者大至天地運度否終日月五星虧盈至聖神人
休否細至末學之夫疾傷凡有此災同氣皆當齊心修齋六時
行香十遍轉經福德立降消諸不祥无量之文普度无窮

道言夫末學道淺或僊品未充運應滅度身經太陰此皆身中
清靈之水與明堂之火未能升降身中之神與司命殺鬼戰於
水火之門臨過之時同學至人爲其行香誦經十過以度屍形
如法魂神經上南宮隨其學功計日而得更生轉輪不惑便得

神仙

道言夫天地運終星宿錯度日月失昏四時失序陰陽不調國
境焚漂四民失業疫毒流行兆民死傷師友命過同學天傷皆

由水火不調勝負為災天官墮政魔怪為祥雖外无焚蒸漂溺之厄氣失其平奔注騰熾內為失度暴發之咎皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得為聖君金闕之臣諸天記人功過毫分無失天中真王亦保舉爾身得道者乃當洞明至言也

諸天中大梵隱語除禳水火无量音 道君撰

元始靈書中篇

道藏輯要

度人妙經

六 九集三

東方八天

飄忽保靈

蔚元浮沙

覺濟飛泝

迎機濮耶

駛江充敷

卽玄斲矇

允答貺策

幽榭穆崇

獻翰強億

資氓逸聰

標定澱化

碑畢戎

弄斗閣越

籍司奎鍾

昊敘濬建

池鄒卷沖

南方八天

濡穴探益

神命革遙

聯彼洞宥

極京龍桃

錯鑿楷阮

瀉蹇漠常

杜局謹載

晞蒸巴放

碧連運變

亨極盧楊

檢勅方帝

烈颯疾哀

熏露渙落

統莫虛隆

急制北律

萬呼冥冥

西方八天

梵度乾鍛

慈傳龜喏

漸截鬼憂

并野部羸

詔端鼎察

意謨虛形

曇現岡寂

去河祭賓

演漢洞譙

月姑張兌

采迅茹華

紫令適盛

丁治鷺石

刀丹錄魔

胡賽判決

道藏輯要

度人妙經

七

亢集三
川州

神靈渾微

北方八天

虎曰緣璇

箕論頓核

軌陽鐸世

知聞遷火

榜縉董掖

麗珍元娑

井估候驛

延蘇慶隨

突稼厥展

補因夸離

劉滅越絜

覲疏祝基

浩肫邁忽

指獄池瓌

調明趨管

遼儼蘊綽

道言此諸天中大梵隱語无量之音舊文書北元逮臺水帝七
精之室南靈騫陲朱館飛華之官用平制水火舉抑璇璣進退

二候以成大化天地交泰日月運行陰陽發生仙聖變化升降
上下比之權衡斟酌量宜以畜萬有其道不忒三辰順躔攝受
失理則五魔盜柄太上所祕藏之寶竝神通自然一切无礙翔
爲龍鳳伏爲龜蛇道妙都括不使世知字皆廣長一丈天真皇
人昔書其文以爲正音有知其音能齋而誦之者諸天皆遣神
府玉郎眞王上吏下觀其身書其功勤上奏諸天萬神朝禮地
祇侍門大勳眞王保舉上清道備尅得遊行三界昇入金門
此音无所不除无所不禳无所不度无所不成天真自然之音
也故誦之致飛天下觀上帝遙唱萬神朝禮三界侍軒羣祆束
首鬼精自亡琳琅振響十方肅清水无漂溺火不炎燔萬靈振
伏招集羣仙天无氛穢地无祆塵冥慧洞清大量玄玄也

道藏輯要

度人妙經

六

九集三

